

Alegria y Fantasia


Momentonan resaltante na e di 46 Eleccion di Reina di Carnaval Aruba




Si ta papia di cosnan resaltante di e eleccion, anto nos tin cu mencioná e juffrouw aki cu sigur lo a cai como finalista si tabatin mas.



Mescos cu Aruba Bank, Reina di Knock Out/Popcorn a inscribí na último momento, pero esey no a mustra den su presentacion y show. Su trahe ta un di esnan mas bunita.



Con bin e hoben aki no a bai cu e corona, ta algo cu hopi ta puntra nan mes ainda. Sigur e tabatin tur e ingredientenan necesario. Pabien.




Reina di Texaco for di promé instante di su coronacion, tabata un faborito pa anochi final y e no a defraudá tur hende conquistando título di 2do Finalista.



Tabatin varios candidata fuerte y pesey ningun hende por a punta dede riba e ganadora. Pero tambe ta berdad cu Chastity Hodge ta e potret bibo di tur loke un Reina di Carnaval ta.




Nos tin cu ripiti cu e palabra cu mihor ta describi e show di Aruba Bank, ta "ingenioso." Aki ta demostrá cu elementonan facil y simpel por crea un di e mihor shownan.



Apesar di no tabata ni serca di ta un show Carnavalesco, e imitacion di Josey Kock como Selena compañía pa te hasta un mariachi, a encantá prensa cu a scohé como e "Mihor Show"



Un show refrescante tabata esun di candidata di MAO cu a bin cu temanan y escenografia tropical. Algo hubenil y toch wel original.



Aunke shownan di eleccion infantil y hubenil ta mas recordabel cu esnan di Diahuebs anochi. Esaki ta di esnan cu mas a capta atencion di público. Su creador ta Ronchi de Cuba.

Alegria y Fantasía

**Enberdad un
anochi inolvidabel
pa Chastity!!!**



Tur cos a cuminzá na e momento aki. Prins & Pancho di Carnaval a lanta Chastity for di vloer y cargué pa centro di stage pa mustra tur hende ta ken ta Reina di Carnaval 2000.



E barra di Chastity consistiendo di no solamente Bonaire Club, pero henter pariba di brug no a lagué na caya ni un solo momento.



Otro momento di loke tabata e show oficial di e Chastity Hodge. Aki ta mira e integrantenan di Popcorn Dancers den pleno accion.



Huntu cu Popcorn Dancers Chastity a presentá un bunita show cu un escenografia simpel, pero compensá pa hopi música y baile. E mes destacando den su color berde mei di e tur e bailarinnan na blanco.



E celebracion a sigui despues na sede di Club Bonaire na San Nicolas caminda Chastity tabatin chens di gradici tur esnan cu a yudé den su presentacion y cu a apoyé henter ora.

